



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-295-4/24**

Datum: **22.07.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «FORTIN» d.o.o. Tešanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta objekta za otkup, skladištenje i obradu sekundarnih sirovina u naselju Kraševo, općina Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «FORTIN» d.o.o. Tešanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta objekta za otkup, skladištenje i obradu sekundarnih sirovina izgrađenog u naselju Kraševo, na zemljištu označenom kao k.č. broj: 823/2 i 824/1 K.O. Kraševo, općina Tešanj.
2. Ova vodna dozvola se odnosi na predmetnu lokaciju na kojoj su izgrađeni sljedeći sadržaji: administrativno-upravni objekat, objekat za smještaj radnika, otvoreni proizvodno-skladišni prostor, te radno-manipulativne površine sa kolskom vagom, natkriveni prostor za čelični rezervoar i bačve, separator ulja i masti, septička jama.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom investiciono tehničkom i drugom dokumentacijom i uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene otpadne vode sa saobraćajnih, radnih i manipulativnih površina, nesmetano sakupljaju i odvoде do objekta predviđenog za tretman oborinskih onečišćenih voda (separator masti i ulja), a zatim ovako tretirane vode ispuštaju u rijeku Usoru.
 - 3.3. Objekte čija je svrha odvođenje i prečišćavanje oborinskih onečišćenih voda (kanalizaciona mreža, slivnici, slivne rešetke, separator masti i ulja) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora masti i ulja može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu izdvojenog taloga iz separatora.
 - 3.4. Prečišćene oborinske onečišćene vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.6. U blizini prostora gdje je postavljen nadzemni rezervoar sa tankvanom (za smještaj goriva za internu upotrebu), osigurati priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Talog iz separatora masti i ulja kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 3.9. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «FORTIN» d.o.o. Tešanj, dana 10.06.2024. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta objekta za otkup, skladištenje i obradu sekundarnih sirovina izgrađenog u naselju Kraševo, na zemljištu označenom kao k.č. broj: 823/2 i 824/1 K.O. Kraševo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-Reg-21-001322 izdatog 24.12.2021. godine od strane Općinskog suda u Zenici,
- Ovjerena kopija Uvjerjenja o registraciji poreznog obveznika izdatog dana 04.01.2022. godine od strane Porezne uprave Federacije BiH - Kantonalni porezni ured Zenica,
- Kopija Rješenja o odobrenju za građenje broj: 12-23-3003/12 izdatog dana 27.06.2012. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o izmjeni rješenja o odobrenju za građenje broj: 12-23-08925/13 izdatog dana 24.10.2013. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi građevine broj: 12-23-6599/13 od 11.11.2013. godine i kopija Zaključka o ispravci greške u Rješenju broj: broj: 12-23-6599/13 od 15.11.2013. godine izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju gradnje skladišta sa nadstrešnicom broj: 06-23-2-2819/18 izdatog dana 17.10.2018. godine od strane Službe za katastar, urbanizam i imovinsko-pravne poslove Općina Tešanj,

- Kopija Rješenja o upotrebi objekta - skladište sa nadstrešnicom broj: 06-19-3-3905-18/20 izdatog dana 10.11.2020. godine od strane Službe za katastar, urbanizam i imovinsko-pravne poslove Općina Tešanj,
- Kopija Ugovora broj: 01-18/13 zaključenog dana 20.08.2013. godine između MZ Žabljak i «FORTIN» d.o.o. Tešanj za priključak na vodovodnu mrežu,
- Kopija dopisa broj: 40-238-/18 - Analiza ugroženosti velikim vodama k.č. 823/1 K.O. Kraševo, upućenog dana 28.09.2018. godine pravnom licu «FORTIN» d.o.o. Tešanj od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: UPI 05/2-23-31/19 izdatog 05.04.2019. godine od strane Federalnog ministarstva okoliša i turizma,
- Kopija Rješenja o vodnoj dozvoli broj: UP-I/25-3-40-274-4/19 izdatog dana 13.06.2019. godine od strane «Agencije za vodno područje rijeke Save» Sarajevo,
- Kopija Izvještaja o ispitivanju kvaliteta otpadnih voda za februar 2024. godine urađen od strane «TQM» d.o.o. Lukavac,
- Kopija Ugovora o pružanju usluga – preuzimanje, manipulacija, skladištenje i krajnje zbrinjavanje opasnog, neopasnog otpada kao i čišćenje separatora i kanizacionih cijevi sklopljenog dana 03.02.2024. godine sa «AIDA-COMMERCE d.o.o. Sarajevo,
- Kopija transportnog lista i otpremnice broj: 16886 za čišćenje separatora od 07.02.2023. godine izdato od strane «AIDA-COMMERCE d.o.o. Sarajevo,
- Kopija Ugovora o vršenju usluga odvoza fekalnih otpadnih voda sklopljenog dana 20.10.2011. godine sa JP «RAD» d.d. Tešanj (prilog: račun broj: K0321-23 od 22.04.2023. godine
- Glavni projekat - vanjske hidroinstalacije za Skladište sekundarnih sirovina u naselju Kraševo, općina Tešanj Investitora «FORTIN» d.o.o. Tešanj urađen od strane «IBIS» d.o.o. Zavidovići (broj: 21-IB-G/12, maj 2012), na uvid
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20, 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-295-3/24 od 11.07.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat za otkup, skladištenje i obradu sekundarnih sirovina izgrađen je u naselju Kraševo, općina Tešanj na desnoj obali rijeke Usore, uz magistralni put M-4 na zemljištu označenom kao k.č. broj: 823/2 i 824/1 K.O. Kraševo, općina Tešanj. Na predmetnoj lokaciji su izgrađeni sljedeći sadržaji: administrativno-upravni objekat, objekat za smještaj radnika, otvoreni proizvodno-skladišni prostor, te radno-manipulativne površine sa kolskom vagonom, natkriveni prostor za čelični rezervoar i bačve, separator ulja i masti, septička jama.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-274-4/19 od 13.06.2019. godine sa određenim uslovima. Uslov definisan tačkom 3.1. Rješenja je u potpunosti ispoštovan – demontirani su i uklonjeni stari rezervoari za gorivo (za internu upotrebu) te je postavljen novi nadzemni čelični rezervoar kapaciteta 9 m³ sa ugrađenom tankvanom oko rezervoara. Rezervoar je postavljen u zasebnom natkrivenom prostoru. U istom prostoru sa smještene bačve sa novim i rabljenim uljima i emulzijama postavljene u zasebne tankvane.
- Snabdijevanje vodom za sanitarne potrebe i hidrantsku mrežu obezbijeđeno je priključkom na vodovodnu mrežu MZ Žabljak u skladu sa Ugovorom. Sanitarno-fekalne vode iz toaleta za uposlene se prikupljaju zasebnim kanizacionim sistemom i odvođe u vodonepropusnu septičku jamu bez preliva. Čišćenje i pražnjenje septičke jame se vrši redovno prema Ugovoru zaključenom sa JP «RAD» d.d. Tešanj.
- Oborinske onečišćene otpadne vode sa radnog i manipulativnog platoa se prikupljaju sistemom uličnih slivnika, linijskih slivnih rešetki i kanizacione mreže i odvođe na tretman u tipski separator masti i ulja. Preliv iz separatora je, preko okna za monitoring, u rijeku Usoru.
- Monitoring otpadnih voda se vrši redovno. Uvidom u dostavljeni Izvještaj o monitoringu kvaliteta i kvantiteta otpadnih voda urađen u februaru 2024. godine od strane «TQM» d.o.o. Lukavac utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Čišćenje separatora i odvoz opasnog otpada vrši ovlaštena firma «AIDA-COMMERCE» d.o.o. Sarajevo, a kao dokaz priložen je Ugovor zaključen 03.02.2024. godine i transportna dokumentacija za otpad/otpremnica za čišćenje separatora od 07.02.2023. godine.

- U sklopu predmetnog objekta na parceli označenoj kao k.č. broj: 823/1 K.O. Kraševo, općina Tešanj izgrađeno je skladište sa nadstrešnicom (skladište gotovih proizvoda spratnosti P+0, dim 13,50x30,40m + 6,0x50,0m). Obzirom da u skladištu ne nastaju tehnološke niti oborinske onečišćene vode (otpadne vode) kao rezultat procesa rada, ovaj objekat i aktivnost koja se u istom obavlja ne podliježe obavezi pribavljanja vodnog akta.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «FORTIN» d.o.o. Tešanj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta objekta za otkup, skladištenje i obradu sekundarnih sirovina u naselju Kraševo, općina Tešanj, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-295-2/24 od 10.07.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.



Po ovlaštenju

Rukovodilac sektora za izdavanje vodnih akata

Nihad Pezo, dipl.ing.građ.

Dostaviti:

- «FORTIN» d.o.o. Tešanj
Kraševo br 4, 74260 Tešanj
- Ⓢ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava